

Javna ustanova Opća bolnica  
„Prim. dr. Abdulah Nakaš“  
Upravni odbor  
Broj: 44-450-186/24  
Sarajevo, 29.10.2024. godine

Na osnovu odredbi člana 17. Zakona o javnim nabavkama ("Službeni glasnik BiH" broj: 39/14, 59/22, 50/24), člana 20. Statuta Javne ustanove Opća bolnica „Prim. dr. Abdulah Nakaš“, člana 7. stav (3) Pravilnika o javnim nabavkama roba, usluga i radova u Javnoj ustanovi Opća bolnica „Prim. dr. Abdulah Nakaš“ broj 44-870-116/23 od 11.05.2023. godine i 44-450-129/24 od 05.08.2024. godine, člana 36. Poslovnika o radu Upravnog odbora broj 100-151/21 od 07.10.2021. godine, Upravni odbor na XLIII vanrednoj sjednici održanoj dana 29.10.2024. godine donio je

**O D L U K U**  
**o VII Izmjenama i dopunama Plana nabavki**  
**Javne ustanove Opća bolnica „Prim. dr. Abdulah Nakaš“ za 2024. godinu**

**Član 1.**

Ovom odlukom Upravni odbor Javne ustanove Opća bolnica „Prim. dr. Abdulah Nakaš“ utvrđuje VII Izmjene i dopune Plana nabavki Javne ustanove Opća bolnica „Prim. dr. Abdulah Nakaš“ za 2024. godinu, kao u prilogu.

**Član 2.**

Odlukom o utvrđivanju Plana nabavki Javne ustanove Opća bolnica „Prim. dr. Abdulah Nakaš“ za 2024. godinu broj 44-450-28/24 od 20.02.2024. godine, Upravni odbor Javne ustanove Opća bolnica „Prim. dr. Abdulah Nakaš“ utvrdio je Plan nabavki Javne ustanove Opća bolnica „Prim. dr. Abdulah Nakaš“ za 2024. godinu, broj 44-450-29/24 od 20.02.2024.godine.

**Član 3.**

Ova Odluka stupa na snagu danom donošenja a ista će, zajedno sa VII Izmjenama i dopunama Plana nabavki, biti objavljena na Portalu javnih nabavki i na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)).

**O b r a z l o ž e n j e**

Odlukom o utvrđivanju Plana nabavki Javne ustanove Opća bolnica „Prim. dr. Abdulah Nakaš“ za 2024. godinu broj 44-450-28/24 od 20.02.2024. godine, Upravni odbor Javne ustanove Opća bolnica „Prim. dr. Abdulah Nakaš“ utvrdio je Plan nabavki Javne ustanove Opća bolnica „Prim. dr. Abdulah Nakaš“ za 2024. godinu.

Tokom realizacije Plana nabavki javile su se potrebe Javne ustanove Opća bolnica „Prim. dr. Abdulah Nakaš“ za nabavkom roba, usluga i radova koje nisu planirane u osnovnom Planu nabavki, te je došlo i do izmjena pojedinih stavki osnovnog Plana nabavki u dijelu koji se odnosi na naziv predmeta nabavke i podjelu nabavke na lotove. Shodno prednjem utvrđena je VII Izmjena i dopuna Plana nabavki Javne ustanove Opća bolnica „Prim. dr. Abdulah Nakaš“ za 2024.godinu.

Naime, radi se o sljedećem:

## ROBE

### Stavka 1. Laboratorijsko posude i filter papir za potrebe Odsjeka za mikrobiološku dijagnostiku

– Stavka 63. Plana nabavki za 2024. godinu mijenja se na način da se nabavka ne dijeli na lotove jer se ista provodi putem direktnog sporazuma i mijenja se procijenjena vrijednost nabavke na 5.100,00 KM (prethodno je bila 6.000,00 KM) jer je ista dobijena istraživanjem tržišta. Za ovu nabavku su već ranije odobrena novčana sredstva.

### Stavka 2. Reagensi i potrošni materijal za automatski koagulometar Sysmex CA660

– Stavka 20. Plana nabavki za 2024. godinu mijenja se na način da se mijenja naziv nabavke i da se ne dijeli na lotove zbog prirode predmeta nabavke. Predmetna nabavka je provedena u 2023. godini i bio je podijeljen na tri lota, od kojih je jedan lot (ova stavka) poništen i sada je potrebno ponoviti predmetnu nabavku. Za ovu nabavku su već ranije odobrena novčana sredstva.

### Stavka 3. Potrošni materijal za Fakoemulzifikator - Stellaris PC

– Stavka 47. Plana nabavki za 2024. godinu mijenja se na način da se mijenja procijenjena vrijednost (prethodno je bila 60.000,00 KM) dobijena istraživanjem tržišta, a uzevši u obzir povećan obim posla i potrošnju. Za ovu nabavku će biti odobreno dodatno 138.000,00 KM.

### Stavka 4. Mikrofoni za Konferencijsku salu

– Obzirom da se ukazala potreba za nabavkom mikrofona za Konferencijsku salu, a da isto nismo ranije planirali u Planu nabavki za 2024. godinu, dodaje se nova stavka. Za ovu nabavku će biti odobreno 1.900,00 KM.

## USLUGE

### Stavka 5. Obrazovne usluge i usluge stručnog usavršavanja

– Dopunjava se stavka 300. Plana nabavki za 2024. godinu u skladu sa odredbom člana 87. stav (3) ZJN - povećava se vrijednost za direktni sporazum do 10.000,00 KM, obzirom da se radi o istovrsnoj nabavci, a da su ranije planirana finansijska sredstva potrošena. Za ovu nabavku će biti odobreno dodatne 4.000,00 KM.

## RADOVI

### Stavka 6. Rekonstrukcija bolničkih liftova

– Na zahtjev Nedžada Bičakčića, dipl.ing.maš., šefa Odjeljenja za tehničke poslove i investicije, a iz razloga što je raskinut Ugovor o izvođenju radova: Rekonstrukcija bolničkih liftova, dodata je nova stavka. Predmetni postupak nabavke radova provest će se putem otvorenog postupka, te će za isti biti odobrena novčana sredstva u iznosu od 170.940,00 KM. Predmetna novčana sredstva osigurana su donacijom Ministarstva zdravstva Kantona Sarajevo.

Gore navedene izmjene su izvršene u skladu sa Zakonom o javnim nabavkama („Službeni glasnik BiH“ broj 39/14, 59/22 i 50/24), kao i podzakonskim aktima.

Imajući u vidu sve naprijed navedeno odlučeno je kao u članu I ove Odluke.

Pripremla:  
Aldijana Ećo Ajkunić, BA prava  
Šef Odsjeka za javne nabavke

#### DOSTAVITI:

- Upravni odbor
- Kabinet direktora
- Odjeljenje za ekonomsko-finansijske poslove
- Odsjek za javne nabavke

